



Cour  
Pénale  
Internationale

International  
Criminal  
Court

ICC-PIDS-FS-03-002/09\_Ate

# Eyapeesi k'Epuliida



Epuliida Lokapolon, Luis Moreno-Ocampo kede Aatupiton Epuliida, Fatou Bensouda.

Aputo: ICC-CPI/Wim van Cappellen

Erai Eyapeesi k'Epuliida ediope kotoma oriongeta iwongon luka Adieket kana Edukunitos Akwapin nu Egelegela. Epuliida lo Apolon, Luis Moreno-Ocampo, lo da aseuni Atukot na Ikabwoikitok Akwapin, ngesi ingarenikit eyapeesi lo, ido ejaatatar ngesi kede apedorosio kere kotoma kanu ikamunitos eyaitone lo eyapeesi kangol, aimoriarit ikeswamak, iswamasia kede icie iboro da lu itwasamao k'oyapeesi. Ageari da Epuliida lo Apolon aswam ke eraasi apaarasia 16 olap lo ikanyet kape kokaru 2003.

Epelu k'Eyapeesi kalo ngesi aijaunun kede airereonor akiro nu eyangaunio akonye ke tetere kanu aisisiaun arai edolit atupakin aingic nukec; aitotol aingic nu ikamunitos edanyit, imusaagon lu emwangitere eitunganane nepepe imusaagon lu egwaununo apakio nu ejaar ejie; kede k'aitoosa itunga lu egwaununete imusaagon kwa kangul kotoma Adieket.

Koipone lo aitotol aingic kede apukonor aosan, ingarakit Eyapeesi lo aitodolikit alosikinet k'Adieket kana napolon-ngesi atemar, aingarakin alemar elepa lo eyangaunitos ngul lu isidikete agwaunun imusaagon lu arokak kakere lu itakadikitos itunga lu akwapin kere, ibore da yen ebuni aingarakin aitikitik agwaununo na eipone imusaagon kangul koiंगaren.

Kanuka epelu ke, ejaatar Eyapeesi k'Epuliida kede Atenieik auni:

- Atenu na Engici ngesi ikamunitos nu aitotol aingic (kwape nat, arotun kede airereor ajenaanut, aingitingit itunga lu eutai aingic nukec nepepe ka ngul lu isiriebitai, kede akajenak da). Kanukangun, ipuda Ekisil lo Rome Eyapeesi lo aitotol aingic na ekacunit arotun akiro nu ti itanyamete kede ka nu ti ediekunor itunganane k'omusaago da tetere isisiaunio nu abeit.
- Ejaatar Atenu na Epukonori Aosan kede epelu kotoma aingic na itolosio, ido da ebuni adakarit epelu lo epol cut kotoma akiro nu apukonor aosan imusaagon kakonyen ka Aibungen nu Ikatubok lu Adieket kana nu egelegela.

- Atenu na ikamunitos nu Apedorosio kede aiswamanara ngesi irereonor akiro nu eyangaununo kede kanu elimonoro, kosodi irerei arai eraasi akiro ngun nu ebeit acamun nepepe ka aingarakit adukun aiswamanara na ipudai kanu aitodolikit aswamisinei k'Eyapeesi kalo. Eraasi ngun nu iswamao kojai agangat kama ejai Atenu na Engici.

Epedori Epuliida lo Apolon aitegear aitotol aingic akaulo na adumun akiro kane ejaasi Ikabwoikitok adis Akwap, arai bo kane ejai Ekaasulo lo ikamunitos nu Ayuara kotoma Akwapin kere kanu atereikiner kede ejautene lo itukurianit amunaar ainapaara kede ayuara na akwapin kanu egelegela. Kokuju kangun, epedori Epuliida lo Apolon, kotupitete apedorosio nu ejaatar ngesi, aitegear aitotol aingic kotoma Akwap na erai Ameeba arai aingic itunga lu akwap kangin obe, tape konye Aibunget na Ikatubok kalu Itegearete Aingic Akiro Eringa k'Epukoro Aosan Alopit itogogongoorete.

Erai apeleikinet na Eyapeesi k'Epuliida awanyun ebe itebeikita aingic ngin otunga idiopediopen lu noi noi ikamunitos nu imusaagon kalu egwaunitai kotoma ojautene lo eutai aingic. Itacaunitai k'Agearet na Ekisil kalo *Rome* ebe, erai Adieket adoketai na iwasi kotoma aipeicitoi adumakin lu isiriebitai k'oyarito, k'ojiisinei kede k'omusaagon lu emwangitere eitunganane aipuc. Kanukangun, ekorakit Ekisil lo *Rome* Adieket kede k'Eyapeesi Epuliida epelu lo erucokina kede kalo itoloseite akwapin da akulepek kanukec.

Itacaunit da bobo Ekisil lo *Rome* ebe, ebuni Eyapeesi k'Epuliida ayaikina bon. Kanukangun, mam iburai emeeba lo Oyapeesi k'Epuliida aineket arai aitotol aswam kotupite nu icorakinete ngesi apedorosio nu okinga, kwape nat, Akwapin nu eraasi Ameeban, atukona nu edukunitos akwapin nu egelegela, Iriongeta lu mam eraasi lu Apugan arai bonat itunga idiopediopen.



**Luis Moreno-Ocampo, Epuliida lo Apolon:** Eraasi apaarasia 21 kolap lo iwongonet, okaru 2003, nes kobu Atukot na Ikabwoikitok Akwapin oseunia Ejakait Luis Moreno-Ocampo lo ebunit k'Argentina kwape Epuliida lo Apolon losodit lo Adieket. Ejaatatar ngesi kede ajanera na epol noi kotoma opelu ke kwape epuliida, ekatubon kotoma okooti, ekesisianakinan lo *University* nepepe ka owai lo araut epiroitit kotoma akiro nu imoriaritos ikisila lu imusaagon kalu arokok nepepe kangul lu eitunganane kotoma akwapin nu egelegela, aitudisiaro na iboro lu ecamusana kede ayuara na ikarotak iyemuto. Kokaru 1984 obu ngesi ingarenik akiro nu angicere engarenikitok ajore lukapolok cut, imoriaritos iuni lu kolo araasi engarenikitok apugan, lu da kere elomunitos kotoma apaarasia nu ayaitotor lu k'ajore apugan k'Argentina, kiding ikaru 1976 kede 1980. Aosan na obu kotupak, na da kobu koyangau awenio na itunga ikany kotoma kangul etoosatai, nes cut obu korai nasodit itunga idiopediopen aitoosao kanu eyarit loepol anyoun apaarasia nu etoosaere engarenikitok ajore ka Hitler ko *Nuremberg* (Girimani). Kotoma apak na etolosere aosan ngin obu Ejakait Moreno-Ocampo itolomu akiro nu itogogongete emusaago lo da emarimarere adikananareta 700 nu 'eyarit, aikamanario kede aitanario na itunga'. Obu da oyangau ikajenak 835 kosodi aitodun aiwadikaeta nuipu. Ekaulo obu ngesi itoos ngul lu engarenikitos eyarit lo apol noi kotoma apaarasia nu ajaar elongilong lo ageunete lu k'ajore k'Argentina kiding 1987 kede 1992. Kotoma okaru itomon lu atupakinete 'imusaagaon lu ajore' obu Ejakait Moreno-Ocampo oyaite imusaagon luepolok noi lu ikamunitos iboro lu arokok lu iswamanakino itunga k'akwapin nu egelegela. Icie kakesi emoriaritos ainyakario k'Ejakait Erich Priebke, lo kolo arai eswaman orionget k'Hitler (*Nazi*), toni Italy kanu aitoosao; aitoosao na erionget lo ipoliisin lu aiyeeya lu k'Chile kanu aiyar *General Carlos Prats*; kosodi emusaago lo etoosaere ikomaadan lu ajore lu alimilimitai ebe eswamatos nu ibucara kotoma ojie lo ajai kiding *Malvinas* kede *Falklands*. Erai da lem Ejakait Moreno-Ocampo emeeba lo atukot na akwapin nu egelegela na erionget loka Transparency International, kosodi da bobo araut Ekukuleru (*Professor*) lo ipejoi kotoma o' *University* loka *Stanford* kede ngol lo *Harvard*.

**Fatou Bensouda, Aatupiton Epuliida Lokapolon (Abilio na Imusaagon):** Eraasi apaarasia 8 kolap lo ikanyet kaongon, okaru 2004, nes kobu Atukot na Ikabwoikitok Akwapin oseunia Amucalat Bensouda na ebunit ko *Gambia* kwape Aatupiton Epuliida lo Adieket. Epolokit ngesi ewai lo ikamunitos nu abilanakin itunga imusaagon k'Oyapeesi k'Epuliida. Eringa nes eseuna opelu lo iswamat Amucalat Bensouda kwape Akecoran kowai lo Ikisila kosodi kwape Apuliida na Okooti kalaije k'Adieket na adukunitos akwapin nu egelegela kanu edanyit lo ajaikina akwap na ko' *Rwanda (ICTR)* na da eboei k' *Arusha, Tanzania*. Obu da ngesi kopoloor cut araun Akecoran Napolon k'Okisila kosodi da araun Aigarenikiton Atenu na Aicor kowai lo Ikisila. Eringa nes elomara aswam kede *ICTR* arai ngesi Amaneja na apolokit ebank lo ejenara noi ko' *Gambia*. Kiding ekaru 1987 kede 2000 obu ngesi iswamate katuputupeta kwape Akecoran naikiekina na Apugan, Akecoran napolon kakere na Apugan, Aatupiton Lokapolon Abilio na Imusaagon, Apirioit na Ikisila kede Akegirigiran na Ikisila kotoma akwap kec. Obu do ngesi odaka eyapeesi lo ikamunitos nu ikisila kere kosodi da araun Aminisita na Ikisila kotoma *Gambia*, ibore da yen ainakini ngesi edakari eciepelu kwape Akecoran Napolon kowai lo Ikisila mama ejai Epuresident ka Atukot na Iminisitan kere lu akwap kangin. Ejaikina da bobo Amucalat Bensouda toma oineresinei lu adukunere Aitutuket na imorikikit Akwapin nu k'Otoo na *Africa* kowai lo Agwelanar (*ECOWAS*), Airabet na Akwapin nu k'Otoo na *Africa* kede Adieket na *ECOWAS*. Elosinitor da ngesi kwape Aiyakia toma Airiamununeta nuka Atukot na edukunitos Akwapin kere (*UN*) nu etatamere nu aitikitik ebenyit, Airiamununeta nu Iminisitan luka Atukot na edukunitos Akwapin nu *africa* kere (*OAU*) nu etatamere nu ikisila lu eitunganane, kosodi kwape Aiyakia na akwap na k' *Gambia* toma Okomision lo Etemonokinere nu adukun Adieket na Akwap kere (*ICC*). Ejaatatar da Amucalat Bensouda kede Ediguri lokiareit kotoma akiro nu Ikisila lu eyaitos Angololin nu Akwap kere kede Ikisila lu ikamunitos Eiswamae kotoma Angolol. Erai da ngesi Apirioit nasodit ko' *Gambia* kotoma akiro nu Ikisila lu eyaitos Angololin nu Akwap.

